

Bataake Bunndu

Jaaynde Humpitorde Ladde Tawaande Reenaande Renndaande nde Bunndu

Jaaynde nde yubbini KORENA – Kisinrgal LTRR (RNC) Bunndu

Ko adii tobo

Ngardiindi Ibeer NDEY, Koolaado Kuubal Dental Diiwaan Tammbaakunndaa, Koolaado Golle KORENA



E ndee joofnirde lekkolaaji di, ko jaŋde nde wonnoo e teddineede e nder RNC Bunndu, teŋti noon e ekkolaaji leslesi gondi e ladde reenaande nde, rewirde noon e goomuujj toppitagol taariindi di e gostondire hakkunde lekkolaaji di. E lewru Suweŋ jawtudo oo, e nder batu ngu fedde janninoobe Co-Codec Bunndu wadata hitaande kala, Koroowo Jaŋde Diiwaniijo wadani en teddungal so okkirde e juude mum defte 250 "Dangal Lella" feewde e ekkolaaji Bunndu, dum doon ko njeñcudi golle de be mbaddi e Fedde Boree. Kono jeyagol Ladde Reenaande nde e golle jaŋde nde ina diwiti doon, sabu dum yehii haa to tolno Iniwersitee sabu heblooji keewdi di Etijaaji (sandaaji) e Master mbadi, ina heen Senegaalnaabe dido to dudal toowngal ISE ngal Dakaar.

Duum ina wonani min, minen dente nokkuuje RNC, teddungal mawngal, te ina duña min e beydude tiidnaare e moyyingol Ladde Reenaande nde. Dental Diiwaan Tammbaakunnda addii hannde oo daliilu pellital tiidngal, nde ngal wadi e juude KORENA gollorde (birooji) wonande jogorbe ligganaade Ladde nde. Emin njetta kadi gollodiibe amen heewbe doftoobe min gila e fuddoode, kono hono noon ne kadi wallidiibe hesbe arbe wa'be no GRDR, ciifondirdo e KORENA aadi gollondiral.

Njeñcudi idanndi widtooji peewtudi e pufi e ledde




Ñande 14 Suweŋ 2012 to Tammbaakunnda joodiima doon lulngo hollitgol widtooji di wadnoo hebleteebe dido e seedamfaagu Master 2 to dudal toowngal ISE ngal Dakaar (Iniwersitee Seek Anta Joop)

E tawtooreede hooreejo Dudal Gannde Taariindi (ISE) mo Iniwersitee SAJ Dakaar, Biyenweni Sammbu e Janninoowo teddudo, Asan Gujabi, sandaaji didi, Loris Koddu Fay e Faraasuwa Gomis kollitii njeñcudi idanndi wonande widtooji di gooto e mabbe fof wadnoo feewtude e no yimbe bee kodfiri e tunndu ndu e limtagol pufi di e ledde de. Dii widtooji puɗɗanoodi e 2011, paandale majji wonnoo ko hollirde e sifaade denndaangal leyyi pufi e ledde gondi e RNC Bunndu o ; addi dum fof ko Ladde ndee alaano haa do dut torde do tawetee dii doo sifaaji jowitiidi e nokku oo. Ko nih woni, sifaaji 4 leydi ndii peññaama (yeewe natal) bayliidi e duubi 30 jawtudi di : caggal yooro ngo e kitaale 1980, ellee ledde keewde mbiltiino e caalli di e to gese de, kono dum buri heewde ko sara ca'e de. Dum fof e wa'de noon, ko buri heewde e ledde de e nokkuuji di fof, ko lekki Kombretum Gulutinosum, lekki tokoosi ki nguurndam mbeebdam ; eki hebta ko yaawi leydeele maayde de. Ina hulaa noon so reenaaki, leyyi pufi e ledde keewde njogori ko majjude sabaabu nde jayli di, feyyugol e kuutoragol burtungol, so tawii tan di ndeenaaka no haanirta nih.

Leyyi ledde jogordi majjude walla "gondi e cadeele" ...

E nder leyyi pufi 108 teskaadi e tunnduujj men di, ina heen 42 gondi e cadeele, tawi noon addi dum ko sababuuji keewdi : di ngala hattan hesditinde ko'e majji, darde majji mbonnii, walla di nguuri tan ko nokkuuji teeptudi. Limten : yeru Bokki (Adansoniya digitata), lekki ki alaa hattan hesditinde hoore mum e tunndu ndu, tawi noon ko le ñol lekki naftoowi yimbe bee, te kadi bibbe mum ina kuuto ree no feewi e tunndu ndu. Lekki Mbep (Esterkuliya Setigera), Jaabi (Sisifus moritaniya), Ween (Pterokarpus erinaseus), lekki Dimb (Kordila pinnata) e leyyi ledde goddi ina ndii doo mbaadi, wonde e cadeele.



Natal lelngo leydi ndi e 2010, tuugnaade e Landsat (L.Fa)

Goobu haako nibbiddo : nokku ledde mawde. Goobu leerdo : ledde tokoose. Oolgol leerngol : nokku hudu. Goobu ndoondi : gese

RNC to limooje

183

Limooje jayli teskaadi e RNC e nder ceedu 2011-2012

42

Limooje leyyi pudi jogordi majjude walla gondi e caade le e nder RNC

2

Limooje jaggirde nate jogorde wafeede e RNC

Konte wonande Booñ wallitgol RNC

Seeda seeda, kono no laabiri, Booñ wallitgol Peeje Faggudu RNC mo Bunndu nana yubba. Nande 9 suweñ jawtudo oo, e nder Batu huubtinngu darnugol Booñ oo, goomuuji kishnugol nokkuuji di cosaama : **goomu ñamaale** (toppitiido tottirgol e ruttugol ñamaale de) e **goomu rewindo** (toppitiido yuurnitaade moyyingol golle de).

Yantude e duum, jeyaabe e yiilirde nde (yeew natal dow ngal) udditii ko booyaani ko kote to Keredi Mitiyel mo Gudiri, ngam mooftude doon ndaddudi kaalis (e ballal PNR Miilwaash to Limuseñ e GRDR) ; dum maa newnu ñawndugol dabbaa le gadane dee, hakkunde do e bamtugol golle de. Ko nih woni jumoobe wonbe e GIE Limbam Bunndu maa ngon adotoobe hebde nafaore e oon Booñ. Kono noon, gollotoobe wodbe, teenti noon e rewbe be, maa mbaaw hebde heen ballal, e dumunna dabbo so tawii tan be njubbuni ko'e mabbe e pelle kebtinaade.



E nder ca'e de :

KR TUMMBURA

- Addugol Muleñ gawri to Banjkuba Ballidiido : PNDL

KR KUSAŊ E DUGE

- Mahgol bolokaaji didi suturaaji e ekkolaaji Faas, Kusaŋ, Talibaaji Linnekon Ballidiido : Laamu (PEQT2)

HAKKUNDE KOMITE RIIRALJI

- Fuddagol peewnugol laawol ley di hakkunde "Kippu Siley-Kusaŋ-Dide" Ballidiido : Laamu

Nguunu lekkol to Gundafa

Caggal nehoobe Ladde Reenaande nde, jooni ko elewaaji Gundafa pelliti naatde e golle nehgol gerle ngol. Ko e miijo jannginoowo mabbe, Baabakar Juuf, e ballal nehoobe be GIE Bamtaare Siise ni Kamo e PNR mo Miilwash to Limuseñ, ele waabe CM2 e CI, mahii nguunu lekkol gadano mo RNC. Ebe njabboo heen hakkunde do e ko booyaani, gerle tati gadane, immiide e gerle nehanoo de e RNC de.

Ko nih woni, kala elew maa jeye e reengol gerle dee, ñammingol ngol e toppita-gol kisal nguunu oo haa e jeeygol ngol. Kaalis kebetee de e dee golle maa mbad feere haa ekkol oo waawa soodde kuutorde jannde wonande elewaaji burdi famdu de doole di, walla kadi maa dum wallit e timminde soklaaji kanti ekkol oo.

So yawtii ngañari kaalis ndi, ngaal gollal kadi ko feere ngam burde faam nude sukaabe be nafaore golle nehgol ngol, mbele edum addana be peeje e ko arata. Nde tawnoo kambe fof be ke bataa yawtinde jannde mabbe tohuri wodfude e saare nde. Efen kirjina be e tiidnaare, eden nduwanoo be, te damino-den wonde ekkolaaji god-di maa ñemmbu golle mab be de.

Elewaaji ekkol Gundafa e yeeso Guunu mabbe



E ko arata



Ut 2012

Abdullaay Kante, deenoowo kirjinoowo e KORENA maa jabbe e PNR mo Werkoore e to Konsey Seneral mo Iseer e nder heblo feewtude e meccal "denoowo ladde tawaande reenaande" tuggi e 17 haa 24 Ut 2012.

Ladde Tawaande Reenaande Renndaande nde Bunndu

Ko ebboore Dente Dowri (KR) **Duge, Kusan, Siñcu Fissa, Tummbura e GIC (Dental Bamtaare Renndaande) mo Bakkel.** E nder gollondiral tellitinangal hakkunde Iseer e Tammbaakunnda, e ballal ARD, gollorde karalleeje dee, ebbooji e porogaramuuji Diiwaan oo, e ballal FFEM, AFD e CF-UICN.



JOKKONDIRE :

KORENA
Kisnirgal RNC ngal Bunndu
Kusaŋ, WB 238 Tammbaakunnda-Senegaal
Corena.tamba@hotmail.com

Ibert Ndey - Koolaado golle
(00 221) 77 524 14 76

ARD mo Tammbaakunnda-Catal Bakkel
Mammadu FADE - Hooreejo Catal
(00 221) 77 511 51 26
fademamadou@yahoo.fr



E ballal :H. Ndey (KR Tammba - M. Fade (ARD Bakel) - B. Jallo (Iseer)
Nate : © K.Kelema Sek - Peewnugol-Winndugol : K.Kelema Sek